

中國藏學漢文歷史文獻集成

張惠言 主編

中國西藏及
甘青川滇藏區
方志彙編

上海古籍出版社

新華書店

如蒙

PDG

中國藏學漢文歷史文獻集成

張羽新 主編

中國西藏及 甘青川滇藏區 方志彙編

第二十七冊

學苑出版社

PDG

圖書在版編目(CIP)數據

中國西藏及甘青川滇藏區方志彙編/張羽新主編.
北京:學苑出版社,2003.9
(中國藏學漢文歷史文獻集成)
ISBN 7-5077-1862-X

I. 中… II. 張… III. 藏族-民族聚居區-地方志-彙編-中國 IV. K29

中國版本圖書館 CIP 數據核字(2002)第 078995 號

ISBN 7-5077-1862-X



9 787507 718621 >

書名:中國西藏及甘青川滇藏區方志彙編(全 54 冊)
作者:張羽新 主編
總策劃:孟 白
責任編輯:洪文雄
出版發行:學苑出版社 E-mail:xueyuan@public.bta.net.cn
印刷裝訂:北京大興韓營古籍印刷廠
開本:850×1168 16 開本
字數:9900 萬字
版次:2003 年 9 月北京第 1 版
印次:2003 年 9 月北京第 1 次印刷
印數:1—120 套
定價:25800.00 元

第二十七册目录

新修固原州志(下)

張掖縣志

秦州直隸州新志(上)

新修固原直隸州志

人物志三

孝子凡已請 旌表及未請者均備錄之

南北朝

梁彥光字脩芝烏氏人少有至性七歲時父疾篤醫云須紫石英治之彥光徧求弗得憂戚倍形於色忽至田畔拾得一物持歸以示醫醫曰即紫石英也投諸藥果瘳人稱為孝感所致云

隋朝

田德懋高平人仁恭次子也以孝聞開皇初父歿哀毀骨

固原州志

卷六

人物志 孝子

一官報書局排印

立殯於墓側以手掬土成墳隋帝聞而嘉之賜絹二百匹米五百石旌獎其門

明朝

胥恭固原衛人父亡哭泣出血勺水不入口者七日母呂氏年已七十邁宿疾累醫弗效治藥餌莫效恭齋沐籲天乞以身代割股肉和藥飲之果愈氏齒更生髮轉黑至八十七而卒時人稱重旌揚之

國朝

馬從龍^{另見人物}九歲喪父事母尤孝母病衣不解帶臥榻側藥必親嘗而後進及歿廬墓三年諸幼弟及姪均教之成

立讓產共爨非公事不入官署雍正中里人呈請旌表列鄉賢祠祀之

張伏璽鹽茶廳人乾隆十四年其父孔正病篤璽侍臥榻目不交睫者三月醫士皆束手忽禱於神示以當食雞肉家貧無以供乃忽悟曰璽酉相也遂詣電前執刀剖左臂肉一片長五寸炊而進之果痊里人具狀請

旌表如例廳丞朱亨衍額其門曰純孝格天

馬

^{另見人物}成

字德齋父自善早年從軍雙目侵寒風致於盲嗣成官湟關迎養於廨朝夕以舌吮之並禱神藥年餘自善目復明光采爛爛僉稱純孝

固原州志

卷六

人物志 孝子

一官報書局排印

姬九疇居姬家陽城附生發周祖也咸豐初其父卒迺築茅椽止墓側足不及家將三載其妻具食往視九疇棄所食直叱之曰若婦不敬山是仍廬墓者三年計先後六載里人呈請

旌表列孝子祠以祀

韓希天廩生居五營幼喪父其母邱氏撫之成立事母至孝以舌耕供甘旨同治元年回亂賊擄村人盡殺之及獲希天賊酋大呼曰此韓孝子不可殺也遂負母而遁其孝行感人如此三年城陷母子同殉悲哉
陳士學附生居唐家灣咸豐時人訓蒙為業事繼母至孝

已輒忍饑而菽水無闕同治初猶亂賊曾戒於衆曰此地有陳先生者孝子也不可犯其廬旋病卒曾爲厚殮如禮年六十二積孝所感弗可及已

祁仲賢居本城米糴市街光緒中其繼母韓氏病危百藥弗痊仲賢憂之鄰人戲語曰汝母病當食汝肉卽起仲賢歸焚香禱神自割左臂肉三寸許和藥進之果瘳時人稱頌弗衰

吳居忠居蒲條川賦性至孝其父母歿繪遺像二軸朝夕供饌如定省禮同治同亂村人多挾貲財以逃居忠惟負像奔於陝中途遇賊欲奪所負居忠以實對曰此父母像

固原州志

卷六

人物志 孝子

三官報書局排印

也賊奇而釋之後舉耆賢

劉占川家盤路坡同治三年回亂占川負其婦母宋氏避難奔走宋氏曰我已老憊死無足惜汝力乏其棄我以去尙可存宗祀也占川抱母泣賊忽至將殺其母占川哀號求以身代泣出血盈盃有老酋奇其狀併釋之遂逃至鄜州乞食供母養後歸籍務農事葬如禮

景元吉馬家河人家有老母素以孝聞同治初回亂元吉負母以行中途遇賊左臂被砍骨損口不呼痛猶負母至平涼乞食侍養而以草根自飽亂既平奉母歸務農起家後其母得壽七十有七而元吉孺慕依依尤極誠篤鄉里

頌之額其門曰慈孝兼優

節烈 凡已請 旌表及未請者均備錄之

漢朝

皇甫規妻軼其氏善屬文能草書時爲規答札記及規亡董卓艷其美欲聘焉氏乃詣卓門痛罵情詞酸愴卓使羣奴拔刀圍之更厲色曰羌戎之種毒害天下猶未足耶皇甫奕世清德爲漢忠臣今敢欲行非禮耶卓乃懸其頭於車輓遂死車下後人圖其像號曰禮宗云

明朝

趙氏馮宣妻年二十三而寡家貧育幼子銘鎮成立壽八

固原州志

卷六

人物志 節烈

四官報書局排印

十四有司表揚之

楊氏彭珏妻年二十四而寡家貧誓死自守壽七十七旌表攸嘉

夏氏黃淮妻年二十四生子未週月淮亡夏撫遺子養舅姑姑氏憫覺弱欲嫁之夏以死自誓爲女工以給養壽七十三旌爲貞壽之門

王氏梁輔妻年二十三輔亡有二子在襁褓備歷艱苦勤女工以養姑育子凡五十餘年鄉人重之壽八十三有司旌其門

葉氏生員趙欽妻年二十五欽卒遺二子廷璋廷珩甫三

歲葉撫摩劬育備諸艱辛雖親戚邀請亦不往胡為學弟子員壽六十二旌揚之

郭氏百戶長陳琮妻琮戰沒郭年二十四撫孤源嗣官壽八十三旌表其門

白氏生員翟元妻年二十五元亡貧苦撫遺孤棟楫均成立壽六十三鄉里稱賢旌之

張氏生員徐效妻效死張年二十七鞠育二子咸成立壽八十有四有司旌表

溫氏李子友妻子友歿溫慷慨以殉時年二十四旌表如例

固原州志

卷六

人物志 節烈

五官報書局排印

李氏景可樂妻可樂以疾卒李哀傷死旌之

趙氏單養棟妾也養棟死趙方十九歲殉柩前有司表揚徐氏受應襲韓杞聘未合盍而杞殤徐聞之潛自經死有司表揚

唐氏指揮蕭濂妻濂死時子韶成幼孤唐撫之成立以才勇官甯夏遇時劉之變全家被羈唐教子以忠堅不從逆事平嘉其女中丈夫顏其門

國朝

柴氏王弘綱妻年二十二夫亡撫孤守節歲遇荒歉日不舉火以死自守守節三十一年孝養翁姑撫孤成立康熙

初具題

旌表如例

尙氏趙國甯妻夫亡氏年二十八孝事翁姑後相繼逝喪葬盡禮撫子成立壽九十三歲康熙中具題

旌表如例

李氏馬志啟妻啟故氏年二十二欲自絕念翁姑在堂堅志毀形守節雍正三年具題

旌表如例

馬氏孫世祿妻康熙初世祿從征湖南茅麓山匪殉難氏守節撫孤子繼宗以武功顯官甘肅提督雍正五年

固原州志

卷六

人物志 節烈

六官報書局排印

旌表如例

段氏軼其夫名夫嘗讀書於外塾有狂者窺氏姿艷猝入其室誘之氏不從狂者棍毆殞命投屍井中事發將狂者置諸法而有司嘉氏慘烈具情以請雍正九年具題

旌表如例

蘄氏齊芝瑞妻家紅城堡康熙中夫亡氏年三十守志不渝計五十四載卒於乾隆壬申壽八十四請

旌表焉先是辛未歲恭逢

萬壽慶典蒙

恩賜粟帛酒肉如例

錢氏別景彝妻居別家莊康熙中夫亡氏年二十四事姑以孝家貧子可池姪可錦可澶均幼力撫之悉稱成立雍正甲寅卒乾隆初旌表賜額曰孝義貞節

滿氏二品廕生黎守忠之母也家大營川康熙四十一年夫亡氏年十八教子成名堅苦自勵乾隆二十年卒壽七十一計守節五十三載呈請旌表如例

柳氏生員楊嘉珮妻康熙間明疾篤氏以死許及卒悲泣三日潛自縊年未滿二十洵可風已

固原州志

卷六

人物志 節烈

七官報書局排印

吳氏黎天祿妻夫亡氏年二十六持刀自刎官立石表之曰白刃明心殺身成仁或云康熙時人

王氏守備文理妻文理於雍正七年出征巴里坤在營病故氏聞訃悲號投繯自盡

高氏庠生賈世繪母乾隆初夫亡氏年二十繪尙襁褓撫之成立守節十九年鄉里爲銘其墓得請旌表如例

夏氏祁貴有妻居祁家堡乾隆丁未夫亡氏年二十四孝事翁姑撫嗣子秀如己出門祚再興守節六十三載道光庚戌卒壽八十七秀亦登大羣里人稱爲貞德之門

楊氏庠生唐銳妻居唐家堡乾隆中夫亡氏年四十事翁姑濟貧乏以孝慈稱守節四十三載卒於道光乙酉壽八十三子紹鼎入州庠氏教誨力也請旌表如例

趙陳氏家於北鄉趙家寺其墓碑存闕有差夫與子俱無考惟識其生於乾隆卒於嘉慶庚午家貧居孀時上有翁姑下有孩提操勞數十載子孫入庠皇恩旌表數語以是知氏之貞孝洵可貴也

張氏包元貞母嘉慶初夫亡子幼氏年二十堅心耐苦門祚復興守節二十六載道光三年

固原州志

卷六

人物志 節烈

八官報書局排印

旌表如例族人以霜露永懷額其墓

黃氏王處士妻嘉慶初夫亡氏年二十八子尙賢甫周歲撫以成立守節三十一載道光中

旌表如例

吳氏晏君瑞妻家北關嘉慶初夫亡氏年二十九子志誠甫五齡撫以成立咸豐甲寅卒壽七十四守節四十五載時人稱之

王氏鄭如義妻家白澗池嘉慶初夫亡氏年二十一守節四十五載道光中卒壽六十六里人稱頌請旌表如例

朱氏楊存娃之母也家楊中堡嘉慶十四年夫亡氏年十九子尙乳脯盡心撫育誓志靡他鄉鄰咸爲推重同治元年卒於難壽七十三計守節五十四載

白氏職員鄭如蘭妻家白澗池嘉慶中夫亡氏年二十八撫孤耐貧子玉瑄賴以成同治元年殉於難壽七十四守節四十六載入忠義錄表揚之

賀氏鄭玉珉妻家白澗池嘉慶中夫亡氏年二十七子大佑尙乳脯誓志撫成入太學同治初殉於難壽七十二守節四十五載入忠義錄表揚之

周氏錢萬慶妻家錢營堡嘉慶中適錢既婚未三月萬慶

固原州志

卷六

人物志 節烈

九官報書局排印

暴亡氏哀痛靡極絕食泣血而卒年猶未及二十里人蒙請

旌表如例

柯氏提督馬進祥之祖母也居沙漠耳莊嘉慶十九年夫亡氏年二十九堅苦自勵孝謹嚴正教子世芳成立同治四年回亂避難於州城城陷驚悸而卒時年八十計守節五十一載呈請

旌表如例其同殉者媳柯氏孫媳馬氏

王氏景萬祿妻居馬家河嘉慶二十年夫亡氏年三十子儒通尙垂髫家極貧氏負薪刈禾堅苦撫育得以成立道

光三十年卒壽六十五計守節三十五載

黃氏馬會妻家西北鄉道光元年夫亡氏年十九子萬福甫彌月氏堅心撫成福入伍擢運關把總迎養於署光緒十一年卒壽八十四計守節六十五載寅僚頌之曰母慈子孝洵紀實也

黃氏王鈞妻家本城道光初夫亡於關外氏年二十七翁姑垂暮子仲科幼氏仰事俯畜孝慈兼盡同治初卒壽六十八守節四十一載仲科官慶陽千總孫銘貢生銓經制時人謂貞德所致光緒中請

旌表如例

固原州志

卷六

人物志 節烈

十官報書局排印

祁氏顧思道妻居曹家堡道光初夫亡氏年二十七翁姑垂老子在襁褓凡殯葬教誨以一身任之守節三十四載同治初避難入城舉家盡殉氏壽六十一忠義錄載之余氏貞生李輔弼母道光十年以苦節呈請

旌表如例其生卒年無考所存者僅斷碑一角可識其爲輔弼母並建坊年月耳

虎氏張大德妻家州城道光初適大德甫二月大德從戎赴葉爾羌防禦音訊杳然不知所終氏堅苦自守侍翁姑疾目不交睫者累月祭葬如禮教嗣子國楨成立後入州庠家道賴以復興咸豐八年卒計守節逾三十載里人頌

之曰孝節兼隆

党氏杜培梓母家本城道光中夫亡誓志撫孤同治二年回匪踞城培梓巷戰不支氏叱之曰毋退縮賊入廬氏罵不絕口仰藥死時守節已二十五載光緒初

旌表如例

張氏武生徐陞妻家本城道光中夫亡誓志不醮同治二年城陷其翁承綬弟榮華力戰氏爲之餉食賊隨其行氏窘甚見鄰屋火起遂縱身撲火而死時守節二十二載光緒初

旌表如例

固原州志

卷六

人物志 節烈

十一 官報書局排印

孟氏房若石妻家澗霽霽堡道光中夫亡氏年十八孝奉重姑子美輪延齡均幼竭力撫成同治元年回亂氏出資令夫弟肯構與二子召集鄉團賊屢攻堡未破三年夏陝回大股來撲延齡入城求援肯構美輪俱戰殉賊執氏及媳王氏賀氏女改香等索糧急遂指酋痛罵賊怒齊縛而寸磔之時守節已二十七載光緒初均

旌表如例

欒氏姚積慶妻家長安堡道光中夫亡氏年二十二子玉蓮幼備嘗艱苦同治初玉蓮從軍於董志原陣亡氏聞而悲之曰子死無生計遂投井而斃時年四十五守節二十

三載

陳氏余興堯妻道光中夫亡氏年三十二雙親二子家貧乏養以鍼黹餬口不淪其志同治初回亂偕子奔陝乞食得生旋歸務農家道漸裕光緒己亥卒壽八十五守節五十三載里人頌之

侯氏宣德妻家本城道光中夫從征西城戰歿氏年二十一家貧子幼劬育無間言同治二年爲賊所殺計其時守節已二十餘載

侯氏阿繼曾妻居大營堡道光中夫亡氏年十九事翁盡禮氏無出以姪柱棟嗣撫以成立同治初回亂賊掠其家

固原州志

卷六

人物志 節烈

十一 官報書局排印

氏恐受辱投井而死年四十一計守節已二十三載伯洪氏邵氏同殉

諸氏計滿統妻家州城道光中夫亡氏年十九孝事翁姑苦節自持同治初避難於平涼城陷翁姑逝鬻衣珥以殮氏痛急投井而死時守節已二十餘載光緒中甘肅學政吳公緯炳獎以額曰節烈可風知州王學伊獎以額曰慈竹風清

吳氏寶居妻道光中夫亡氏年二十四子應愛尙襁褓撫育備竭心力同治二年回亂攜其子與姪采黑兒避難山谷間尤極堅苦乃以遇賊自殉時守節已二十餘載

單氏馬寶祥妻家沙漠耳莊道光十九年夫亡氏年二十九子蛟兒甫七齡立志撫孤備嘗艱苦恒自忍饑以哺之務農授室同治四年卒年五十六計守節二十七載

柯氏馬世芳妻提督淮祥之母也居沙漠耳莊道光二十一年夫亡氏年三十事姑以孝撫子以慈鄉里頌其和惠同治四年避難於城姑死氏泣血漬襟悲號而卒時年五十五計守節二十五載呈請

旌表如例

盧氏王發妻家王昭堡道光二十一年夫亡氏年二十九孀然孤處子甲申甲榮均幼氏夏則芸田冬則紉衣爲餬

固原州志

卷六

人物志 節烈

十三官報書局排印

口計母家偶有津貼既而母勸其嫁氏力杜之至此雖一粥一縷亦不受母憐者二子賴以成室光緒二十二年卒壽八十四計守節五十五載

劉氏鄭天彩妻家南關道光二十二年夫亡氏年二十八子國禎尚幼立志堅苦撫以成室後入武庠保守備皆氏訓誨所致同治八年卒年五十六計守節已二十八載光緒中甘肅學政葉公昌熾額其門曰歲寒松柏並請

旌表如例

楊氏梁才妻家州城才有膂力投提標充馬兵道光間奉調換防葉爾羌以積勞卒於軍氏教子有方次子滿福保

遊擊同治初回亂氏囑其子曰爲國盡忠無貳心也乃自縊時守節已十餘載

柳氏武生單秀妻家州城道光二十二年夫亡氏年二十二事翁姑盡禮子鵬雲甫週歲氏誓志撫成同治初避難於李俊堡鬻餅餌以資生活母子相依人稱慈愛光緒二十九年卒壽八十四計守節六十二載

韓氏王漢同妻家白崖子道光二十三年夫亡氏年二十七貧無立錫子起應尙在髫齡氏撫之成室同治六年回匪擾堡起應充團丁遇賊被創死氏痛哭曰吾命休矣遂引刃自刎年五十二時守節已二十五載

固原州志

卷六

人物志 節烈

十四官報書局排印

王氏陳乃幹妻居陳家坪道光二十四年夫亡氏年二十七家貧子幼誓志撫他子長生孫經營婚娶皆氏劬勞之力嗣以子若孫俱逝更撫曾孫以耕讀爲業存年九十三計守節已六十六載

翟氏張鳳翔妻家本城咸豐元年夫亡氏年三十子玉德甫九歲誓志撫之同治二年回亂城陷氏恐有侵辱遂自縊於家嗣年四十三計守節已十三載

蘇氏馬義林之母也居黃家堡咸豐元年夫亡氏年二十八善理穡事撫孤勤劬鄉閭稱之曰馬姥存年八十六計守節已五十八載

陸氏秦得越妻家鹽泥溝咸豐二年夫亡氏年二十九子祿尙幼撫之成立同治初避難通渭母子相依力田授室光緒二十二年卒壽七十四計守節四十五載

路氏張天喜妻家西門咸豐初夫亡氏年二十九家貧篤敬翁姑三子幼以針黹爲生同治初全家殉難攜其姪祿及族孫逃至靈台傭工餬口旋歸家業漸起光緒戊申存年八十二守節五十三載爲請旌表如例

高氏杜培梓嫡母咸豐初夫亡同治二年城陷與其嫂党氏同仰藥死時守節十三載光緒初

固原州志 卷六 人物志 節烈 十五 官報書局排印

旌表如例

張氏惠通妻家北關咸豐初通以馬兵從征江南陣亡氏年二十五孝翁姑事葬如禮同治初城陷氏與其姑始劉氏趙氏同投井而斃守節七年時人哀之

符氏鄭大觀妻家州城咸豐初夫亡氏堅苦自守同治元年回亂賊突至執氏欲逼之氏罵不絕口聲色俱厲賊知不可犯遂以鐵棒擊其首血迸裂而卒時守節已十餘載里人以勁烈頌之

戴氏李春芳妻家毛居士井咸豐四年夫亡氏年二十四子昌林昌祺均在乳哺氏傭工撫之同治初回亂兵連歲

歉或勸之離氏曰嫁而生不如守而死也後二子悉務農於二營川光緒二十一年卒壽六十五守節四十二載

趙氏閻盛元妻家馬蓮川咸豐五年夫亡氏年二十六子三如昌如霖如雲均幼誓志撫鞠同治初回亂獲氏以煨鐵烙其背將逼之氏大聲痛罵絕未爲汚賊盡掠其資糧而散乃攜子逃於西馬營時有勸離者氏曰幸脫虎口死無貳心矣嗣以行傭得歸光緒三十年卒壽七十四計守節四十八載子如霖入伍洊都司孫維漢入邑庠論者謂苦節之報信不爽也

楊氏郭守備妻居閭家墩咸豐六年夫亡氏年三十二善事翁姑子世清世滿劬勞撫鞠均稱成立光緒二十四年卒壽七十四計守節四十三載

固原州志 卷六 人物志 節烈 十六 官報書局排印

楊氏盧彭生之母也家二營堡咸豐六年夫亡氏年四十一力撫其子彭生榮生均成立門祚賴以復起存年九十五計守節已五十四載今彭生保子總孫曾蕃衍四世同堂是可頌之曰德門壽母

楊氏郭世清之母也居袁家墩咸豐六年夫亡氏年三十一決意殉夫戚鄰以子幼爲勸遂劬育世清得以成立務農興家光緒二十五年卒壽七十五計守節四十四載

劉氏張思雲之母也家廣甯監咸豐七年夫亡氏年二十

九家貧食藜藿以自甘撫三子長次早逝惟思雲成立同治初避難涇州備歷艱險而節操彌堅存年八十二計守節已五十三載

紀氏秦安營千總張鳳麟妻家本城咸豐中從征濟甯戰歿氏以子清和甫週歲立志守之同治二年城陷氏自縊於室年二十三

杭氏苟世春之母也居沈家河咸豐八年夫亡氏年二十八撫育三子世春占春逢春均成立存年八十計守節已五十二載

丁氏馮祐妻家南關咸豐九年夫亡氏年三十家貧子幼

固原州志

卷六

人物志 節烈

十七 官報書局排印

誓志不移同治初回亂攜子避山谷間飲冰茹蘗艱苦異常晏如也亂平歸里其子克勤習武事得官守備皆氏教育之力光緒十二年卒年五十八計守節二十八載

馬氏馬進瑞妻居沙漠耳莊咸豐九年夫亡氏年二十六孝敬重慈教子成立同治四年與其祖姑柯氏避亂僑居州城以祖姑死氏仰天大呼曰吾其相從於地下乎撫棺痛哭而卒時年三十二

董氏王榮之母也居孟家溝咸豐間夫亡氏年三十六以農業教子家道漸興賦性尤好施與鄰里多稱其惠存年八十四計守節已四十八載

李氏王贊襄之祖母也同治元年回亂夫亡氏年十九撫一子一姪避難於秦州中途遇賊或勸之曰曷舍姪而存子乎氏曰子與姪均宗祧所重也雖死何敢分親疎竭力撫成後歸里務農備歷艱辛誓志不渝光緒三十二年卒壽六十四計守節四十五載

陸氏保德玉妻家楊郎莊同治元年德玉集鄉團禦回舉家殉難氏年三十五負其姪孫安民逃於外傭工撫養得以成立亂定歸農光緒癸卯卒壽七十七守節四十二載甘肅學政葉公昌熾顏其門曰天隨節裔並爲旌表如例

固原州志

卷六

人物志 節烈

十八 官報書局排印

張氏武生邱鳳舞妻家七營同治元年鳳舞殉於戰氏攜其女逃山谷間有亂黨謂曰爲室免死氏抓面流血大罵拒脫復逃至杜姓門將乞食杜婦憐而與之氏曰若有子當以女爲若息杜允焉氏旋出及崖呼天泣曰吾夫所遺者此女耳今得所依可無憾遂撞石而死光緒初旌表如例

杜氏貢生南化行妻家七營同治元年回亂氏欲負其姑王氏逃姑令其獨行氏不可姑復厲聲曰勿以我累而兩誤遂投井應曰當從姑於地下亦入井死光緒初旌表如例

牛氏楊生春妻楊太原籍商於平遠所同治元年楊充團丁戰亡賊執氏欲逼之罵不絕口終莫能屈遂仰藥死光緒初

旌表如例

劉氏姚積壽妻家長安堡同治元年回亂積壽充團長戰死氏年三十三極負其子玉興避難醴泉撫孤成立光緒乙巳卒壽七十七守節四十四載

江氏邱輪妻家後山堡氏事翁姑惟謹同治元年輪中礮亡有逆回阿訇勸之離拒罵得脫遂飲酖死年二十二張氏葉生長妻居閭家馬路同治元年回亂避難於張家

固原州志

卷六

人物志

十九 官報書局排印

山夫亡氏經營喪殮如禮哀毀泣血既殯氏自縊以殉時年二十一

許氏閻積妻家本城同治元年夫亡氏年二十九苦心孤詣子然自持光緒二十八年卒壽六十九守節四十載

海氏馬義春妻居馬家高庄同治元年回亂義春殉於陣氏適歸常聞耗遂引刃自刎年二十餘

高氏倪萬海妻家五里山同治二年夫戰歿於寶雞縣城氏年三十六子生發甫垂髫撫育務農家業漸裕存年八

十三計守節已四十七載今孫五曾孫二同堂四世尤足樂也殆夫忠婦節之感應歟

梁氏陳茂懷妻家四營里同治四年回亂有賊目慕其姿使人給之許以相保而不相害而其意實欲殺茂懷而奪氏也微洩所謀氏痛罵竟日遂自縊死年十九茂懷亦逃不知所終

韓氏李楨妻家四營里同治初楨死於兵有逆酋見氏少艾將脅之乃乘間跳崖投諸水淹斃年二十二

張楊氏映其夫名家州城同治初城陷被賊獲氏且泣且罵皆血并裂襟井而死年三十一光緒初

旌表如例

蔡氏劉奇化母家平遠所同治初回曾據堡奇化負氏遁

固原州志

卷六

人物志

二十 官報書局排印

至下馬關關復被圍氏曰我老且憊死亦何惜汝應速逃奇化泣不忍行賊隊忽蜂擁來氏引刀自刎奇化瘞其骸奔走光緒初

旌表如例

劉氏龐某妻家范馬溝同治初夫歿於難氏素孝姑遂偕姑同逃中途遇賊執氏曰若肯為婦乎氏曰姑媳相依為命斷不忍舍姑而從賊也姑亦罵不絕口賊遂殺其姑氏

卽撲崖而卒

盧氏曾某妻家東城同治初回亂氏偕翁姑避難碛河中途姑足疲不能前氏負以行忽遇賊殺其翁姑將逼氏氏

痛罵不絕縱身撲崖賊更以矛刺之而卒

賈氏劉用志妻居劉家溝同治六年夫亡氏年三十一以姪得亮爲嗣撫如己出教養周至亮入邑庠鄉黨稱其賢德所致光緒三十四年卒壽七十二計守節四十一載

馬氏陳德有妻家黃土橋同治八年夫亡氏年二十一誓以身殉族中爲之擇繼乃撫如己出耕讀傳其家存年六十一計守節已四十一載

史氏計如泰妻家州城同治中夫亡氏年二十九家貧以織紉度日教其子定清讀旋食廩餼里人重其節光緒庚子以守節三十二載蒙甘肅學政夏公政瑜以柏舟高節

固原州志

卷六

人物志 節烈

二十一 官報書局排印

額其閭

旌表如例今存年七十五

席氏貢生陳生秀妻居陳家坪同治中夫亡氏年四十子昌續幼力撫成名食廩餼子亡復撫孫景蕃入邑庠里人以慈姥稱存年八十五計守節已四十五載

馮氏軍功張占奇妻同治間夫亡氏年二十五子錫義尙穉祿備受艱辛得以成立今保把總氏存年六十五計守節已四十載

李氏孝義廳都司程步堂妻居黑城鎮同治間夫亡氏年三十七家甚貧子萬春甫四歲堅心撫之賴縫紉爲糊口

計子以成立光緒辛丑年卒壽六十七計守節三十載知州張公元濬以志潔行芳額其廬

計氏宋某妻居南關宋家巷道同治間回亂舉家避於鄉留二僕在城守其門賊既踞城知宋素豐拘一僕索藏金並云金既未得必赴鄉擄計氏始甘心焉僕潛逃詣氏前備述賊言氏乃剪髮毀形將議遠遁賊忽至執氏厲聲痛罵以首觸壁賊覓繩欲縛以去氏乘間狂奔墜崖而死時年二十四

朱氏甄滿科妻居趙家嶺同治間夫亡氏年三十二子發俊發運均髫齡氏竭力撫成教養周至家道漸興尤好施

固原州志

卷六

人物志 節烈

二十一 官報書局排印

與光緒三十二年卒壽七十二計守節四十載

王氏增生侯汝梅母劉氏汝梅妻居侯家堡同治間回亂姑媳同避於城賊至王氏投井劉大呼曰姑其與我同赴九泉乎亦縱身井中而死井在西關城下至今稱之曰雙烈井

趙氏廩生韓興邦之祖母也同治間孀居撫子教孫悉見成名壽八十九光緒中甘肅學政葉公昌城聞其事顏其門曰摩笄矢節

馬氏海成魚妻同治十三年夫亡氏年三十一子起雲甫二歲家道素貧艱辛備歷撫成務農存年六十七計守節

三十六載

劉氏王玉人妻家桑樹溝光緒元年夫亡氏年二十一立志不離撫孤子幼女均得婚嫁人無間然光緒三十四年卒年五十五計守節三十四載

張氏貢生趙邦卿妻家州城光緒元年夫亡氏年三十八祖翁已逾八旬子榮祖甫週歲氏堅忍誓志以養老撫孤爲己任事葬婚娶均一力經營如禮今存年六十三計守節已三十四載

閻氏趙克智妻居楊家莊光緒元年夫亡氏年二十九子天錫天瑞均幼立志撫孤備嘗艱苦天錫食廩餼家業不

固原州志

卷六

人物志 節烈

二十三官報書局排印

興存年六十三計守節已三十四載今猶四世同堂洵衍慶之足徵也

陸氏雷生義妻家蟠龍坡光緒元年夫亡氏年三十八子雲章幼矢志撫孤賴以成立三十二年卒壽七十計守節三十二載

牛氏羅三福妻光緒元年夫亡氏年三十子文炳幼氏備歷勤劬教之力學得貢明經存年六十四計守節已三十四載

路氏附生高折桂妻居高家河光緒四年夫亡氏年二十三姑老子幼立志堅苦子凌雲入邑庠皆氏教誨之力二

十八年卒年四十八計守節二十五載甘肅學政葉公昌熾額其門曰編蒲閨範並爲請

旌表如例

周氏楊貴林妻家彭陽城光緒四年夫亡氏年二十七立志奉姑撫子成室人以慈孝稱之存年五十七計守節已三十載

楊氏守備李遇春妻家南關光緒六年夫亡氏年二十九子榮森麟均幼氏撫孤成立榮入伍任秦州經制森麟亦領軍功門楣復振嗣於三十年卒年五十三計守節二十四載甘肅學政葉公昌熾聞之贈其額曰節烈可風

固原州志

卷六

人物志 節烈

二十四官報書局排印

王氏楊海春妻家東鄉光緒六年夫亡氏年三十四翁老子幼家無恒產氏堅心茹苦事蓄兼資存年六十三計守節已二十九載

宋氏馬進樊妻家西北鄉光緒九年夫亡氏年三十九子得倉甫九齡其家極貧無儋石儲竟堅苦力撫之成務農爲業存年六十五計守節已二十六載

李氏都司張漢清妻湖北人流寓於此光緒十年夫亡氏立志撫孤治家井然存年六十計守節已二十五載

馬氏馬成祥妻家西鄉光緒十年夫亡氏年二十七子山兒將週歲立志撫成自安耕鑿存年五十三計守節已二

十六載

楊氏何玉璽妻居楊家山光緒十一年夫亡氏年十九事姑以順子尙乳哺氏嘗撫之得以成立存年四十四計守節已二十五載

何氏附生梁育德妻家彭陽城光緒十二年夫亡氏年二十六子三均幼家本小康誓不移志教子以農悉見成立光緒庚子歲大歉山柴濟貧或勸之曰毋太奢氏曰我飽人饑何以言奢乎人貴衆賤何以言太奢乎特求吾心之所安耳由是鄉里益加推重今孫男濟濟誠積善之徵也存年五十計守節已二十四載

固原州志

卷六

人物志 節烈

二十五官報書局排印

李氏把總張席珍妻家南關光緒十三年夫亡氏年二十九子繼緒甫七歲竭力撫之授讀成名三十三年卒年四十九計守節已二十載

韓氏樂山海妻家西南鄉光緒十六年夫亡氏年三十七有子三均幼家甚貧氏傭工撫成今已薄田可耕各授室矣存年五十六計守節已十九載

雷氏計元鵬妻家本城光緒十六年夫亡氏年三十一教子成立備極堅苦存年五十一計守節已二十載前甘肅學政吳公緯炳獎以額曰茹蘗飲冰

余氏馮有娃妻家彭陽城光緒十七年有娃出外傭工音

信杳然或以嫁勸百計不諾迨二十九年里人有見其夫死所者實告之氏曰既無子復無夫何生爲祭哭七日迺自縊時年三十一

張氏劉以張妻家青杠溝光緒十七年夫亡氏年三十六子文敏光祿幼實力撫育教以義方今一入州庠一補經制蓋榮甚存年五十四計守節已十八載

郭氏邢舉義妻光緒二十年夫亡氏年二十二子邦俊幼立志撫之存年三十七計守節已十五載

范氏尙有存妻居尙家溝平遠縣光緒二十一年回變於海城侵掠其境賊拘氏將逼之力拒不從遂自縊時年十七

固原州志

卷六

人物志 節烈

二十六官報書局排印

可謂烈已

陳氏都司劉顯財妻家東關光緒二十一年夫戰歿於河州氏年二十四侍姑疾甚虔子玉珍尙襁褓堅苦撫成存年三十七計守節已十三載

王氏附生大鏞妻家本城光緒二十三年夫亡氏年四十二子應瑞應科均幼教誨成立賦性勤儉存年五十三計守節已十三載

高氏徐某妻居夏家塬光緒二十四年夫亡氏年二十二子尙襁褓誓志撫孤存年三十三計守節已十二載

党氏段大章妻光緒二十五年夫亡氏年二十八教子有